



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt I. Quàm idoneus nobis ad recuperandam libertatem Dux è cælo
missus sit.

[urn:nbn:de:hbz:466:1-46059](#)

manifesta ac facili, & occulta interim ad recuperādā libertatem gratiæ virtute, mirificè omnino conduce ret. Quid enim Agni illius māsuetissima humillimā patientia illustrius? quid item ea ipsa, propter latentem sub ea diuinitatis virtutem maiestatemque, validum ad conterenda humanæ vincula seruitutis? Ipse enim Agnus est Dei, qui tollit peccata mundi: ipse idem Le ille de tribu Iuda, qui draconem in omnes sāuentem inusitata ratione deuicit: factus homo, ut mortem gū stare posset, qui Deus erat, ut eam debellaret.

CAPUT I.

*Quām idoneus nobis ad recuperandam libertatem
Dux ē cōlo missus sit.*

NOSTRÆ igitur libertatis auctorem, Christum Dei & hominis filium, consilio diuina miserationis accepimus. Idoneum prorsus per quēm antiquæ captiuitatis vincula soluerentur. quōd & placare offensum Patrem solus posset, & tyrannum generis nostri oppressorem, potentissimè debellare. Cūm enim Deus esset ex Deo verus simulque homo innocentissimus, ipso etiam plenissimo gratiæ fonte exuberans: quid in eo desiderari potuit, vel ad pretij magnitudinem, vel ad doctrinæ salubritatem, vel ad utilitatem exempli, vel ad vincendæ virtutem, consulendiisque rationem? Quocirca Deus Pater, hoc ipsum nobis in nostro assertore & liberatore commendans, loquitur per Iuliam & dicit: Ecce servus meus, suscipiam eum; electus meus, complacuit sibi in illo anima mea: dedi spiritū meum super eum. Iudicium gentibus proferet: non clamabit, neque accipiet personā: nec audietur vox eius foris. Calamus quassatum non conteret, & linum fumigans non extinguet, in veritate educet iudicium, non erit tristis neque turbulentus, donec ponat in terra iudicium; & legem

Cap. 42.

legem eius-insulæ exspectabunt. Igitur serui formam
Filius Dei suscepit, in ea quæ usque ad probrosam mor-
tem Patri se obdientissimum prestatit; ut huius me-
rito tantæ submissionis, veram nobis libertatem reno-
caret. Complacuit certè sibi in illo Deus Pater: tum
quod in eo displace nihil potuerit, in quo iustitiam
omnibus numeris absolutam perfectamque virtutum
pulchritudinem conspexit: tum quod qui talis esset,
is demum esset idoneus per quem vitium generis hu-
mani corrigeretur, ob quod in opere suo sibi Pater
quodammodo displicebat. Ad docendum vero con-
sulendumque miseris, quam aptus futurus esset, ex
consequentibus licebit agnoscere. Non erit, inquit, ad
Ibidem.
sui ostentationem vanus declamator, sectatorque auræ
popularis: non in doctrina tradenda humanis seruiet
affectionibus: non erit contentiosus, nec ferox: sed neque
tristis erit, neque turbulentus. Quomodo enim tristis
videri potuisse seu tetricus, qui capiuit libertatem, qui
ægris sanitatem, qui mortuis vitam, beatamque im-
mortalitatem ac pacem iucundissimo Euangeliō nun-
ciaret? qui beneficiis innumeris ad se confugientes
afficeret, & ad largiendum ditandumque manus sem-
per haberet exorrectas? Turbulentus vero, qui iræ
atque indignationis impetu huc illucque raperetur,
esse non potuit; qui esset contraria mansuetissimus, om-
niumque iniuriarum patientissimus. Porro homines
imbecillos, & instar arundinis, à diabolo conculcatos
& contractos vitiorum prauitate; hac, inquit Propheta,
benignitate, & eorum salutis amore suscipiet: hac
arte & industria sapientiaque tractabit, ut non modò
non conterantur, pereantque grauius; verum etiam al-
ligentur, foueantur, solidentur, confirmanturque: &
in quibus vele exigua fidei scintilla relucebit, calorque
fumabit, non modò hos non extinguet, ut errant per-
niciosiùs; verum etiam maiorem in illis fidei & chari-

166. DE CHRISTIANA LIBERTATE

tatis flammam excitabit. Non enim volet morte pectoris, sed magis id operam dabit, ut conuertatur & viuat. Neque similis erit Antichristi pastorum, de quibus per Zachariam Prophetam scriptum est: Et pastores eorum non parcebant eis, ac rursum: Quod moritur, moriatur; & quod succiditur, succidatur: & reliqui deuorent unusquisque carnem proximi sui.

Cap. 11.

Isaia 50.

Isaia 61.

Cap. 42.

In illum Isaia
locum.

Sed erit ille omnino, qui alias loquitur apud Prophetam: Dominus dedit mihi linguam eruditam, ut sciam sustentare eum qui lassus est verbo. & iterum: Spiritus Domini super me: Ideo vnxit me, ut praedicarem mansuetis, medelam afferrem contritis corde, promulgarem captiuis libertatem, publicarem annum beneplaciti. Hoc igitur spiritu instructus, hisque praeditus nobilissimis dotibus, idoneus fuit proflus, per quem iustitiae libertas, peccato fugata, reduceretur, rursumque in terris, proturbato tenebrarum principe, sedem aliquam obtineret. Ne vero aut propter seueritatem nolle, aut propter imbecillitatem vincere tam saevum aduersarinm non posse putas: audi quod de eodem scriptum, illo ipso Isaia vaticinante, legitur: Dominus sicut fortis, siue ut gigas egredietur; & sicut vir praeliator suscitabit zelum: vociferabitur & clamabit: contra inimicos suos confortabitur, seu conualescat. Tacui semper, silui, patiens fui: sicut parturiens loquar: dissipabo & absorbebo simul: desertos faciam montes (superbiæ videlicet, ut fiant valles miseriæ) & colles, & omne germen eorum exsiccabo: & ponam flumina in insulas, & stagna arefaciem. & educam cæcos in viam quam nesciunt: & in semitis quas ignorauerunt, ambulare eos faciam. ponam tenebras coram eis in lucem, & praua in recta. Vnde optimè perspici potest, inquit Cyrillus, quo tempore multitudo gentium in errore versabatur, cum illos Satan dissiparet atque disperzeret, & tenebris peccati quasi denigraret, à cognitione suo

tioneque Domini abduceret: quis tum naturā & verē
vniuersorum sit Deus. succurrere illis quidem voluit,
sed rem produxit, & patienter tulit; sine dubio exspe-
ctans commodum tempus auxilij ferendi. Quod vbi
aduenit, tunc bellum intulit his qui nos vicerunt, & ab
eorum malitia abripuit, opemque attulit & seruavit,
proprioque nos iugo subdidit. Itaque præterlapsis re-
trò temporibus, dilaceratis terræ incolis, & Satana leo-
nis in morem omnes deuorante, Tacui, inquit; num
etiam semper tacebo & sustinebo?

CAPVT II.

*Quod ad recuperandam libertatem dupli nobis
Christus ratione consuluit.*

PRINCIPIO autem statuēdum illud omnino est,
auctorem salutis nostræ Christum, dupli nobis
ratione ad libertatem recuperandam consuluisse. qua-
rum altera in exemplo sita est, altera in sacramento:
sed mox virumque diabolus per varias hæreses de-
struere conatus est. siue enim illæ naturæ humanæ ve-
ritatem ex toto vel ex parte sustulerunt; siue detraxe-
runt diuinitatis proprietatem; hac via certissimè aut
Sacramenti virtutem nullam reliquerunt, aut fallaci-
duntaxat illuserunt virtutum humanarum exemplo.
Nec initio quidem nascentis religionis defuere, qui
solo exemplo atque doctrina, Christum nobis pro-
fuisse putarent. velut Iudaizantes Christiani, qui Apo-
stolorum ætate Christum recipiebant; sed ut docto-
rem cui crederent, non ut redemptorem cui fiderent,
iustitięque & salutis auctorem. quibus Pelagiani mul-
tum similes, quid aliud magna ex parte, quam redem-
ptionis Sacramentum violarunt? Naturæ enim vitiæ
& labefactatæ, peccatięque & diaboli seruitutem manci-
patæ & addictæ, dum plus æquo tribuunt ad bene iu-
steęque viuēdum, crucis virtutem euacuant; audireque